



道園學古錄卷之二

雍 在朝 虞 集 趙 孟 頫

芝亭永言

古詩七言

賦洛川老人九十

洛川老人年九十須眉如畫身玉立錦袍金帶方烏巾手挽  
強弓無決拾八月平原秋氣高聞有狡獸依蓬蒿清晨上馬  
薄暮返累騎毛血懸鞵囊身是前朝將家子生逢大平百無  
事都將英氣化高年何物小兒堪指使太守上言朝有恩東  
帛養牛兼上尊洛川老人過百歲擊壤為歌傳子孫

張令鹿門圖

張侯襄陽人深知襄陽樂十年宦幸懷襄陽故托豪練寫山  
郭老我不樂思蜀都人言高陽好隱居三十六峯常對面水



竹田庐還可圖欲往不能心慄二忽見新圖被山惱沙禽浦  
樹俱可人金澗石床為誰好向來耆旧皆英雄駕言從之道  
焉從弄珠月冷識遊女沉劍潭深知卧龍八月霜晴水清淺  
聞道扁舟足廻轉何時古寺傍橫溪幾處殘碑在江峴呼鷹  
臺高秋草多卷魚池中蓮芡波蜀嵩未必不如此我今不遊  
奈老何張侯二二蚤結屋莫待史詹為君卜要看壠上課兒  
耕好在魚梁白沙曲

子昂畫馬

憶昔從公侍書殿天閑過目如飛電池邊仍有吮豪人神駿  
誰能誇獨擅公今騎鯨隘九州人問空復看驂駟惟應馭氣  
可相逐黃竹雪深千萬秋

湛二行

湛二天字玄以黜星白如銀垂近人牛羊散漫草多露大帳

中野傍無隣去年八月羽書急婦女上馬小兒泣今年八月  
天子來身屬橐鞬月中立

家兄孟脩父輸賦南還

大兄五月來作客八年不見頭總白五人兄弟四人在每憶  
中郎淚沾臆我家蜀西忠孝門無田無宅惟書存兄雖筦庫  
實父蔭弟竊微祿承君恩文章不如仲氏好叔氏最少今亦  
老五郎十歲未知孝嗟我何為長遠道諸兒讀書俱不多又  
不力耕知奈何憂來每得二三友看花把酒臨風哦蜀山嵯  
峨歸未得盤二先壠臨川側碧梧翠竹手所移應与青松各  
千尺南風吹雪河始冰兄歸烏帽何眾仁明年乞身向  
天子共讀父書歌大平

子昂墨竹

吳興畫竹不欲工腕指所至生秋風古來篆籀法已絕止有

木葉雕蚕虫黃金錯刀交屈鉄大陰作雨山石裂蛟龍起陸  
真宰愁雲暗蒼梧泣湘血吳興之竹乃非竹吳興昔年面如  
玉波濤浩蕩江海空落月年二照秋屋

商德符畫函篁古木

湘君宮在洞庭湖函篁古木龍所都石壇雨長碧苔蘚水屋  
風動青珊瑚老人歌枕看螻蟻癡婦停舟聽鷓鴣江南蜀道  
問來往商公二二今有無

吳郡陸友仁得白玉方印其文曰衛青臨川王順  
伯定以爲漢物求賦此詩

將軍騎從公主時宣意刻玉爲文章珠襦已隨黃土化此物  
還同金鴈翔軍中只識長平侯西風木葉茂陵秋人生卑微  
何可忽碌二姓名誰見收

爲達兼善御史題墨竹

蜀道荒涼多古木管管千尺相因依小年慣見今白髮杜宇  
夜啼愁不歸老可嘗作陵州守古墨蛟龍多入手春雷每恐  
破壁去神鼎空令變魅走丹丘越人不到蜀脩葉何以能縱  
橫內府人家爛熳寫使可見之心亦驚江南御史龍頭客暫  
別那能不相憶知君深識篆籀文故作寒泉溜崖石

畫鶴

薛公少保昔畫鶴毛羽蕭條向寥廓通泉縣壁又微茫故物  
都非况城郭長鳴闊步兒聞暇解寫高情亦奇作田中芝草  
日應長石上松花晚猶落赤壁江深孤月小白雲野迥秋霄  
溥羣帝相從絳節朝八公許製黃金藥誤嬰塵網跡易迷移  
召中洲夢如昨借懸素壁憶真侶忽有微風動林壑碧虛寥  
寥積雪高直過蕭臺絕栖泊

題畫

棠梨生竹間牽牛引蔓上  
斑斑衣鷓鴣踏枝成  
稀蕭條落墨人相稀

寫方山圖上

憶昔繫舡桑落洲前五老當船頭  
風吹雲氣迷谷起霜墮  
楓葉令人愁  
高人紙在第九疊  
大白一去三千秋  
石橋二客如有待  
畏茶試泉春岩幽

題日景初僉司畫

旦公山堂城東南畫圖古檜何耗  
二城中無山有山癖直藉  
豪墨窮幽探旦公彈琴古檜下  
鬱二窓戶生晴嵐春雨時來  
鶴鳴谷秋声夜作龍吟潭  
先皇畫坐羣玉府內使趣召飛  
双驂昇宏書偃出中秘營  
丘北苑開滕緘是時旦公主舒卷  
一二文士相交叅旦公歸來坐成想  
亦頗拈筆爲梗楠伯熙

奉 詔每有作礪何相並將無慚嗟子懷歸亦已久摩挲老  
目百不堪山中宜之真偃寔可容白髮抽朝簪

題柯敬仲畫

予先世居隆州之治之後山石室翁守郡時隆爲陵州之  
事簡時來就吾家拾故紙背作茅蘭竹木之屬所得頗多  
吾幼時尚收得數紙今亦亡之丹丘生用文法作竹木而  
坡石過之近又以新意作墨花甚妙從子悅有眉山李官  
之行立爲作此予愛而賦之

昔者老可守陵州守居北山吾故丘大守時來看山雨每畫  
紙背成滄洲老蒲松煙色過重揮霍陰崖交劍矛百年離亂  
亡故物散篋江南誰復收新圖資當枝葉脩使我不樂思昔  
侯碧雞祠前杜鵑叫玉女井上叢篁幽棠梨樹高青子落碧  
花翠蔓繁牽牛揚雄無家不歸老蟪蛄蟋蟀寒相求丹丘先

生東海客何以見我空山秋蕭條破墨作清潤殘質刊落精  
英留陂陲重複分細草山石縈紆生亂流眉山亭官莫厭冷  
言歸故鄉非遠遊石田茅屋倘可得萬里欲上東吳舟百花  
潭深濯新錦持報以比珊瑚鉤

白翎雀歌

烏桓城下白翎雀雌雄相呼以爲樂平沙無樹托營巢八月  
雪深黃草薄君不見舊時飛燕在昭陽沉二宮殿鎖鴛鴦夫  
容露冷秋宵永芍藥風暄春晝長

敬仲畫扇

松根伏令如石髓服食令人壽千歲子欲求之觀此圖老身  
偃蹇枝扶踈長鋌篝火新雨霽羽人丹丘期不至却剪蒼篔  
崖石間吹作龍吟秋滿山

題簡生畫澗松

簡生与我皆蜀人留滯東南凡幾春每拂齊紈作山水使我  
感慨懷峨岷如此長身兩松樹滿谷悲風散陰霧雌雄如劍  
變爲龍鱗鬣齊成壁崖去秘閣嘗觀韋偃圖蒼澗雄深出所  
無默識形神出模畫把筆莽蒼增嗟吁玉堂空書本同館官  
府既分難復見摩挲新墨慰衰朽髮雪飄蕭數開卷昔我樵  
牧青城山坐起政在雙樹間當時簡生若相見應并寫此听  
潺湲刘郎集賢好賓客好著幽窓對晴碧凌靈爲我哦七言  
有鶴飛來破秋色

題李受益承旨作東平章萬戶繼志堂後

將軍腰間黃金符父兄功成百戰餘太平不復事弓馬秋雨  
高堂閱讀書門有喬松墓有草永言思之願終保幙中賓客  
誰屬文東魯儒生國元老

題柯博士畫

磯頭風急潮水長兼葭蒼蒼繫魚榜青山一髮是江南白頭  
不歸神獨往幽篁繞屋茅覆簷木葉脫落秋滿簾買魚沽酒  
待明月定是黃州蘇子瞻子瞻文章世希有謫向江波動星  
斗夜投斷岸發清嘯栖鶻驚飛怒蛟吼圖中風景偶相似欣  
然揮洒春雲開子瞻應是念鄉里還化江東孤鶴來

題高彥敬尚書趙子昂承旨共畫一軸爲戶部楊  
侍郎作

不見湖州三百年高公尚書生古燕西湖醉歸寫古木吳興  
爲補幽篁妍國朝名筆誰第一尚書醉後妙無敵老蛟欲起  
風雨來星墮天河化爲石趙公自是真天人獨與尚書情最  
親高懷古誼兩相得惓淡酬酢皆天真侍郎得此自京國使  
我觀之三歎息今人何必非古人淪落文章付陳迹

題溧陽胡氏雪溪卷

去年予與侍御史馬公同被召出居庸未尺東折入馬家  
甕望縉山度龍門百折之水登色澤嶺過黑谷至于沙嶺  
乃還道中竒峯秀石雜以嘉木香草輦道行其中予二人  
按轡徐行相謂頗似越中但非扁舟耳適雨過流潦如奔  
泉則亦不甚相遠郭熙畫記言畫山水數百里間必有精  
神聚處乃足記散地不足言此曲折有可觀恨不令郭生  
見之溧陽胡太祝乃以雪溪自號豈所見與予二人同乎  
然潦水未秋冰已堅尋常已不可舟况雪時耶當具溪意  
云耳因爲賦詩云

積雪平沙陰山道射虎殘年不知老豈識船如天上坐翠竹  
爲帷樹爲葆昔乞鏡湖苦不早白髮如絲照清潦它年此地  
若相逢應著漁蓑脫貂帽

題楊友直檢校所藏李營丘枯木圖

老龍出海蒼髯鬚營丘枯木天下無  
回枝屈鉄墮崖雪澗底應拾青珊瑚  
明堂清廟要梁棟朔風吹沙澤腹凍  
老身不用嘆遲莫按圖來求萬鈞重

題詹圃老梅圖

鄉人共識古梅樹移植詹亭仍百年  
計時當生宣政前僻遠幸遺花石舡  
昔僑室唐尋故物石樓嵯峨白沙白  
陵陽慈竹樂公移根節相扶俱遠客  
此樹乃在隣邑間看花食實真足  
間人言支離故多壽我意培植茲  
惟艱華蓋高人世師表爲爾賦詩  
歌窈窕詹家孫子多讀書早晚春  
雷化龍矯

酬蕭侯送蒲萄

蕭侯昔致蒲萄苗山童不灌三日焦  
宛西上品復親致手種窻南自澆水  
一月當生一尺長移向江頭辟荔墻  
秋深雨足馬乳重牽囊石厭青霞漿  
是時蕭侯當走馬來訪衰翁茅屋

下酒酣舞劍傾一尊不信金盤露如瀉

題衣塵驢圖

驂駟食粟石每旣立仗歸來汗如洗  
脫羈屣轉聊自恣落花塵土隨身起  
君不見春雷起蟄龍欠伸霧擁雲蒸  
九河水

律詩五言

林臯亭

九月天氣肅鶴鳴在林陰使君甚好  
客來者總能吟紅樹秋山近黃華夕  
露深隣翁八九十有酒即相尋

題子昂長江疊嶂圖

昔者長江險能生白髮哀百年經濟  
盡一日畫圖開僧寺依稀在漁舟浩  
蕩回蕭條數根樹時有海潮來

挽胡伯恭令尹二首

二十南陵薄才名舅氏同千金劍客  
散一棹酒舡空朱絨稱

循吏安輿已病翁神明及今日嘆惋謾羣公  
病起思歸日齋居卧治時抱孫方在膝反席遽如遺江路牽  
愁遠坊門望到遲遙怜賢弟哭未忍老親知

題雪谷曉行圖

踏雪度嶙峋霜髯跨玉麟前瞻那有際後至豈無人松樹紛  
紛老梅花的二春金烏海底出遍界爛如銀

送先隴二隣僧還吳二首

蘭若背山陰松筠夾迳深門間容虎卧湖近听龍吟雨過泉  
添澗風飄磬出林衲衣皆旧識一一謝幽岑

東嶮憶招提幽尋日未西過山隨虎跡倚石待猿啼雲外催  
歸錫松間覓旧題卜隣吾欲老母惜伴扶藜

節婦王夫人刘氏

憶昔中丞在清淳古道存節高賢女弟文托外諸孫慈竹宜

家慶桓楹表國恩燕秦鬱相望美俗繫人門

次韻阿榮存初參議秋夜見寄

寓館城門夕高秋雨露開天垂華盖近月轉紫垣來疏闕思  
良會淹留到不才深期謝安石揮麈散風埃

雪谷早行

積雪擁柴門行人稍出村溪頭或遇虎木末不聞猿接棧廻  
山閣支橋就樹根駢車上重坂回首見朝暾

雪岩樓觀

高閣丹青起中天紫翠分窓當大白雪門俯九疑雲伐木山  
人去吹簫帝子聞塵中歸未得春思轉紛二

送人之劍閣倅

往年登劍閣快馬著春衫設險懷前賦磨崖覓舊劍鄉人遊  
雪界郡倅試冰銜歸道觀新政春江不掛帆

寄子山尚書

竹色侵衣碧重簾  
雨氣深白鵝翻墨  
沼紫燕入書林  
北海春尊側  
西山夕陽陰  
東曹公事少  
歌舞散黃金

漫興

雨閣添衣濶  
風簾隱几高  
白頭更事少  
病日向書勞  
南客傳音信  
東家問酒醪  
江邊茅屋破  
歸楫若為操

送張尚德

史館薦張尚德為檢閱官朝廷以為宜稱可其請未奏也  
有司以闕簿注新進士尚德頗有聞即歛裳宵逝噫進退  
若是可以信史館之薦人矣予力雖不足以留之亦終不  
敢失之也故作是詩以餞之

六月初聞雨官河濟水生江南歸宋玉稷下謝荀卿鵬鷲青  
霄迥  
蒼霞白露盈  
都留詩興在  
來聽上林鶯

寄丁卯進士陸都刺天錫鎮江錄事宣差

江上新詩好亦知  
公事閒投壺  
深竹裏擊馬  
古松間夜月多  
臨海秋風或在山  
玉堂蕭爽地  
思尔佩珊珊

送趙繼清令尹之官安陸

雲夢開七澤  
陪尾貫連山  
為政煙塵表  
吟詩松竹間  
故人總華要  
令尹滿清間  
文章李偏宜  
老母愁鬢斑

明皇按樂圖

新度霓裳曲  
三年教得成  
驚鴻渾不下  
飛燕若為輕  
芍藥春亭莫  
夫容野水生  
黎園多白髮  
吹笛到天明

送長沙守

白髮長沙守  
循良又好文  
近辭金馬去  
遠有玉魚分  
對竹聽湘雨  
開簾看嶽雲  
漢廷思賈誼  
一飯莫忘君

送趙編脩祀西嶽江瀆

西道祠官去東風入旆斜汾陰已歸鴈江水正飛花歲事聞  
宜穀鄉人喜過家老來思故里欲寄使君車

代衆仲作

昔在泉州任將軍每見招春雲山對屋夜雨水平橋池鴨穿  
荷葉溪魚上柳條禁城鐘鼓起車馬晚蕭蕭

題宋雲奉大常臨汾二節婦序後

許氏姪從姑相承患難餘自傷還自擔同志復同居白髮冰  
霜共丹心鐵石如有關名教重珍重大常書

送王照磨之官雲南

遺廟珠浦歸舟熨道溪飛鳶愁暑雨走馬畏山泥官署尊  
丹鷲祠官勝碧鷄題詩遠相送紅日五雲西

玉堂燕集圖

朝廷多暇日別館又青春薄醉猶催酒清歌況有人玉堂金

硯匣翠袖白綸巾老去渾無賴憑誰爲寫真

寄荅桂風子先生

深隱廬山裏題詩忽見存風高應跨虎月落更聽猿酒熟邀  
皆去丹成笑不言雲屏第九疊相與浴晨暎

寄莆田先生

懸榻塵生席深居晝下帷齊眉安饋食擁髻近歌詩藥裹須  
鍾乳書題憶荔枝白頭吟更苦何必蜀人思

鄭谷圖

道士徐太虛生紙畫山居林壑春煙裏麻夜雨餘過橋九  
節杖連室一床書似是子真谷歸耕三月初

畫檜

茅山多古樹此檜更長生鶴鶴棲來接蛟龍化得成雲深還  
近戶月落似聞笙千載如相見蒼然故舊情

李貞嶠墨竹

河東李學士隨意放洋州月落亭陰迥雲生谷口幽江濤空  
渺々筆墨更悠悠瀟灑西清地令人憶旧遊

爲歐陽少監題宋好古竹

幕中能寫竹作此兩瀟湘出石根还瘦臨溪影更長班々  
子立一一鳳雛將日有長安使平安問老蒼

贈楊友直

雒陽楊友直字擬漢中郎畫若錐穿石垂如雨滿牆舞花蓋  
女美醉草笑僧狂昨日鴻都李煩君寫數行

題朱邨竹木

江上復春雨曾陰覆碧波石高龍影卧林迥鶴聲過解佩倚  
蘭浦揚沙落木坡佳人翠袖薄日暮欲如何

寄阿曾暈學士

問訊東泉老江南又五年涼風鳴步屨明月棹歌船陪講長  
懷旧還朝獨後賢治平一二策蚤晚玉階前

赤壁圖

過鶴生新夢携魚憶舊遊清霜凋木葉落月湧江流隱者時  
堪訪良田亦易求如何玉堂夜白髮不勝愁

題况有吾縣令贈行卷

縣庭都禁謁祗許見諸生接壤皆吳季遊民亦願耕絃歌居  
室迴山水畫圖清千載雲巖石能留令尹名

送朱萬初之廣東照磨

聖主多清暇臨池愛日長天章垂鳳彩雲氣動龍香進諫慚  
簪筆爭書敢近床承恩君宦蚤服玉向炎方

八月八日有感題視草堂壁

載筆趨芸閣探囊索緼袍坐銷秋日淨心折夜風高識字頭

先白謀生計轉勞文園多病渴常想賜蒲萄

賦程氏竹雨山房二首

春雨過山竹函泉繞舍鳴燕泥書帙晚魚浪釣絲晴奉席從  
孫子連床總弟兄日聞林下叟讀易到天明  
遊子聞春雨思親望故園竹間開几席花底注山尊累世書  
連屋頻年稻滿村卜鄰淳朴地絕事欲重論

戲作試問堂前石五首

試問堂前石來今幾十年衰顏空雨雪幽致自風煙微醉寒  
堪倚孤吟靜更眠旧湖春水長誰繫釣魚船  
爲問堂前石何年别大湖春風神不王夜月影長孤不中明  
堂柱空遺良嶽圖頗思嘉種木歲晚與相挑  
爲問堂前石何无藤蔓纏金蓮疑可致紫菊若爲妍旧夢遺  
波浪間情閱歲年祗緣相識又親爲濯清泉

碣石久淪海女媧曾補天乾坤遺最久霧雨護蒼然淬劍龍  
隨化亦爲虎自全昔賢多賦此誰賦最流傳  
爲問堂前石屢逢堂上人遠來嗟最久獨立與誰隣運載勞  
車馬摩挲識鳳麟亦筆書吉日追琢到嶙峋

代石答五首

幸自隣頑鄙毋煩問歲年當寒金作斫向暖玉生煙眉黛無  
歸意毛羣有叱眠涼州三百斛亦未酌觥船  
昔觀一柱觀还度幾重湖雪尽身还瘦雲生勢不孤研穿鄴  
臺瓦賦就草堂圖芝閣玄雲在危踪敢藉扶  
牛角何堪斫蝸涎漫自纏沉冥辟邪古羞澁望夫妍神物須  
清鑒灵根屬小年金輿曾共侍千載憶甘泉  
轉徙寧論地存留亦信天露盤危欲折劫火不同然維下殘  
經断岐陽數鼓全向无文字托寂寞竟誰傳

去歲留詩別嗟哉白髮人冠依子夏製居切左丘隣執籥充  
振鷲脩辭綴獲麟終須愁坎壈勿用誚嶙峋

送魯子輦廉使之漢中

封上頌臺礼輕車入漢中節毛吹渭雨木葉動秦風把酒臺  
基古馳書歲事豐朝回倚西閣日日數歸鴻

立春夜試墨

輕雪作春花飛來入髮斜紫貂迎曉霧絳蠟炫晴霞書詔頻  
趨閣思歸即借車歲時將稚子隨意踏江沙

蜀人曲江之官贈以墨竹

粘筆寫琅玕清風入室寒蜀山空偃蹇海郡更盤桓雲霧瓊  
簫遠冰霜玉節完莫忘鄉里意持向曲江看

正月十一日朝回即事

宮樹春陰合霓旌拂曙來天光臨閣道雲氣轉蓬萊書漏沉

沉鼓晨尊灑二盃香霏簾底霧樂殷殷前雷祥瑞儀曹奏珎  
淳尚食催舞庭分鷺序效獻過龍媒融雪微生草輕風不動  
埃老人南極至王母上方回玉色何多喜金華得重陪裁詩  
賀新雨西閣待門開

贈別兵部崔郎中整还高麗即回中朝

束髮來東海從軍護北門珠光連旭景玉氣達春溫淵靜龍  
含德門嚴虎列屯從容參帳帳慨慷厲褰韉拜表推黎獻趨  
朝謁至尊雲依温室樹星入紫微垣不道璠璣貴仍嬰莞庫  
煩利行雖近市義守不窺園眷遇忘身得危難欲手援懷邦  
維父母於國實甥婚 还羈勒原二致璧殮魯連名竟重

箕子教應存簡在從當日扶持 宿藩清宮風肅二駭乘火

焯三帝所爲郎重王家報礼焯暫伸桑梓敬未愛李桃繁神  
闕秋期登康侯晝錫蕃九成思閣鳳六月待冥鷗

次勻筠軒司徒足成旦公所藏

英宗御題之句元題曰日光照吾民月色清我心  
又題琴曰至治之音

化国多長日高人侍紫宸觀書從上相屬筆念生民雲漢文  
章備風雷號令新惟應青簡在能載古風淳御翰龍池曉緒  
經驚殿陰雲依清靜葉月印妙明心千載堂二去諸天肅二  
臨朱絃誰為鼓至治有遺音

次勻李侍讀東平王哀詩

宇宙生奇變明良陷逆圖傳聞昏白晝悲憤結全區治極機  
潜否恩深事失謨犯車仍斷軌壞戶竟傷樞魑魅嫌明鏡強  
梁忘雅模甘心成首禍藉口肆羣腹隱忍危衝决憑陵善唯  
俞自天俟鈇鉞累月具輦壺裹革疑亡地招魂競出都笳鳴  
殘夕月馬債四交衢所痛倉皇際將元古昔殊腹心何盡蝕

肘腋不支梧列位多翹楚干城總豹貙詎言歸厄數不復頌  
貞符天討公無赦皇心愛不姑報讎論婉安錫爵醉嗚呼相  
業今如在民生寔少痛誰能疵璧玉唯有泣瓊珠執簡書羣  
盜當関欠一夫馳奔嗟薄日沐浴止中途决去思投關違之  
或泥湖危知无復死恨不奮前誅春兩煩冤滌朝陽殞思蘇  
謳吟申感慨述作惧荒蕪芒忽思離散煮蒿起苑枯神還嵩  
岳峻氣直斗杓孤陟降先皇側回翔造化徒英靈常會合瞻  
想豈虛無

慶史顯甫治書父八十

治世尊三壽高年見八朝羽儀參漢皓神觀邁周喬柱下声  
名遠壺中日月饒微醲霞灼二新沐雪蕭二地厚原初峻天  
全玉不珉一經傳令子貳憲肅羣僚侃二称時望英二樹國  
標繡衣兼綵服白日上青霄上壽歸榮異推恩錫爵超紫深

宗伯橐金重列侯腰環膳應恒從安車必見招乞言逾蔡石  
報德稱瓊瑤千歲庭來鳳羣工韻合韶陳詩方懿頌擊壤比  
康謠

送国王朶而只之遼東

大祖收中夏元臣有武功建邦開土宇爲位冠君公奕世王  
章在諸孫相業隆春秋周正月礼樂曾新宮鹿幣金遺耐熊  
侯筭失中河山仍鉄契宝玉右琯弓投筆鄒枚秀揚於芮館  
雄塞雲依碣石凍雨洒遼東戎器橐藏尺賢書奏納同大夫  
勞誓御惇史采民風

送陳碩

莆田陳氏慶曆名法從故家也自衆仲來京師集得友焉  
凡問李脩己之事有益於愚陋多矣又從知其父兄之賢  
也問所自出則南塘趙氏信乎其李之有傳矣嘗以其從

子碩來見予愛其端謹可望南歸省父衆仲送之以文予  
不能忘也乃賦詩曰

六歲過閩郡書聲憶滿城目盲今子夏心醉昔延平尔叔同  
游息吾文愧老成每分重席暖相對一燈明遠海乘桴意高  
山伐木情願携筇竹杖往看離支生辟掾青衫旧趨庭絲眼  
輕爲言穿木榻亦未厭藜羹寶瑟留飛鴈蘭舟及轉鸞佩懷  
湘渚贈綬向會稽迎去去江雲濕飄二島霧清重來知有意  
時我已歸耕

奎章閣有灵鐔石奇絕名世御書其上曰奎章玄  
玉有勅命臣集賦詩臣再拜稽首而獻詩曰

禹貢收浮磬堯階望商雲自天承雨露按地起網緼擊拊磬  
音合衡從玉兆分巨鼈三島力威鳳九苞文辨位資乾坎爲  
山填幅員固知只宗藏不假運神斤書帙侵春潤香爐借宿

薰烟光晴舟二波影畫云二融結絲元化登崇荷聖君瑞於  
龜出洛重若鼎來汾柱立尊皇極繁安廣帝勛詎云陳秘玩  
因願獻前聞

送南宮舍人趙子期宣 詔交趾

三年頒正朔五月向南交將命方離闕陪臣已在郊衣裳鴻  
羽漸干戚虎皮包瘴霧衝風散瀧湍急雨捎朱鳥窺土室白  
雉下槽巢夜浦蛟停織陽岡荔折苞初筵紛豔麗後騎器笳  
鏡詎日脩王貢兼時眠客庖方言書以理海錯藉青茅漢柱  
蒼侵篆秦林柱拂旂括囊無意步當戶有蟪蛄即見還英節  
毋煩筮繇交

道園學古錄卷之二

道園學古錄卷之三

在朝臺二

雍虞集

伯生

芝亭永言

律詩七言

送袁伯長扈從上京

日色蒼涼映赭袍時巡母乃聖躬勞天連閣道晨留輦星散  
周廬夜屬橐白馬錦韉來窈窕紫駝銀甕出蒲萄從官車騎  
多如雨祇有楊雄賦最高

代祀西嶽至成都作

我到成都纔十日駟馬橋下春水生度江相送荷主意過家  
不留非我情鷓鴣輕筏下溪足鸚鵡小牕知客名賴得郾筒  
酒易醉夜深衝雨漢州城

贈星上人歸湘中

潭北湘南無影樹一花吹度海門潮天香滿室定初起雲氣  
上衣身欲飄寶月夜寒龍在鉢銀河秋近鵲成橋豈無一箇  
邛州竹與尔松根共寂寥

子昂秋山圖

翁昔少年初畫山丹楓黃竹雜潺湲直疑積雨得深潤不假  
浮雲相往還世外空青秋一色牕中遠黛曉千鬟瀛洲雞犬  
同人境尚想翁歸向此間

題黃竹村所藏畫卷

雪後城陰雪一坡寒梅踈竹共婆娑經行不覺籃輿遠點染  
還疑綵筆多蜀棧煖雲生野樹匡廬晴照落江波商公已老  
高公死惆悵誰人奈汝何

過池陽與周南翁同知

使過池陽聞上日好懷浩湯為君開江干維楫車馬集亭上

持盃風雨來通夜魚龍聽語竟明年鴛鴦憶朝回九華秋色  
翠可食為問謫仙安在哉

安慶路雙蓮寺得上人超然亭

超然之亭何所超雙蓮孤塔共名堯城頭踈雨散花至江外  
斷雲將樹朝晨飯舊從香積化晚鍾常送海門潮尋原悵望  
空歸去此地安禪試往招

謝茅山主者贈白羅氈衣請為作大洞祖宗師四十五贊

鶴氈裁成雪色新仙翁持寄感情真清高自此全拋俗寬博  
由來穩稱身佩玉洞聞雲外響劍光飛射日中塵畫圖寫向  
群真裏便是揮豪贊詠人

送莫京甫廣憲經歷

延春閣下承恩日是我經帷侍講時方擁青編臨綺席遙看

朱紱拜丹墀風微細草鳴珂珮日煖飛花近鬢絲上憶遠人  
常軫念莫言南海是天涯

集與諸公遊尚書何公山莊公孫斯明先爲剪雞  
荆榛并致酒饌遂得瞻敬尚書墓道盡日乃還偶  
成四詩酬斯明兄弟并簡同遊者

盛德高年陟泰階歸尋仙隱石樓開舊聞前引朱衣吏每爲  
行吟綠逕苔夜色園林瓊圃樹春寒庭館石湖梅誰家今有  
賢孫子黃菊高秋與客來

先君夙有登臨志老去無能共往還敢謂菊華憐寂寞許教  
筇竹歷孱顏地高天近惟秋好雲淡風輕盡日閒早晚陪翁  
酬素約更從几杖一躋攀

石梯一逕仙凡交過此先見蒼崖坳幽穿斗角潛蛟窞危出  
雲根棲鳳巢題字百神驚澗底嘯歌衆籟越林梢重吟仙伯

石樓詠一解齊人山鬼嘲

黃姑仙崖置屋牢我躡飛磴如猿猱環山翠黛是城郭平地  
白雲皆海濤人頭闕上走馬健仙掌峰前飛隼高願得金丹  
換毛骨三清八極共遊遨

黃氏妹之葬余以他故不及送之旣葬之明日仲  
常弟與譚元之表姪述事與懷形諸詠嘆後十餘  
日始得併見諸公和章集憂患之餘觸事易於傷  
感俯仰存歿不覺清涕之交頤也依舍弟韻亦述  
二章一以示黃氏諸甥一以寄元之表姪

寒泉滄二山木秋予弟行役荒原頭忍聽諸生哭慈母浩將  
孤淚灑新丘山川神氣蚤晚復珠璧輝光日夜浮不惜衰年  
待爾輩受成積德過岑樓

憶別高堂十五秋不堪俯仰雪盈頭翁時贈玉歌清渭子正

將車從太立久矣孤懷成寂寞助哉古學矯虛浮每看舍弟  
承容辨如見從容月滿樓

題故太子少傅翰林承旨李野齋幽居圖

車蓋歸來托遠林曾山齒峯曾原深漁樵相識頻分席賓客  
時過共賜金百歲儀刑猶近古五朝文物至于今披圖想見  
登臨地松滿徂徠起夕陰

送江聲伯

家近茅峰無百里羨君來往及清秋母看丹井晨光起幾見  
龍池雨氣浮白髮紅塵嗟我老素書玉訣使人愁仙都群老  
渾相識定著雲裘訪羽丘

歐陽元功待制入院後僕以兼領成均辰酉甚嚴  
絕不得相見今夜當同宿齋宮賦此先寄并束謝  
敬德脩撰

學省初兼禁直稀故人同署却相違食餘首宿承朝日坐候

棠梨過夕暉成均堂東有棠梨樹日影至預喜奉祠秋寺燭

定知催襪早朝衣今晨瘦馬經門巷想擁青綾尚掩扉

次韻張蔡國公淡菴青山寺詩

相國觀山負夙期聖恩私許暫相違身隨雲影留二宿心了  
泉聲絕百井開士談空依寶樹野人耕雨薦山薇雙龍深護  
安禪處繞坐諸天近紫微

次韻國子監同官

坐隱烏皮髀肉消諸生應笑懶邊韶階前老馬隨秋草袖裏  
遺編俟早朝乞米西隣晨有粥留家南國暑無綃經明亦是  
歸耕好清夢無時萬里橋

學宮南直禁垣陰假寓唯愁兩壁沉一曲鏡湖遺老事二年  
經懔小臣心銀河回夜天逾近草徑迎秋露轉深瓊重鄉人

居巷北時能來往和鳴琴

次韻馬伯庸寶監學士見貽詩并簡曹子貞學士  
燕信臣待制彭允蹈待制

禁廬曉直夾城西經筵龍光映壁奎繞閣浮雲飛野馬當階  
生草伏馴麀雷行已識天無妄風烈唯聞帝弗迷徒積寸誠  
無補報每遠水署欲鷄栖

其二

奉節通宵虎帳西重光貫玉護文奎賜餘分食豢羔雉侍側  
專茵雜彩舞樂事易成團月怨吟情深入五雲迷上林更有  
高枝在彩鳳還來擇舊栖

鼇峰者國史院庭中石名也伯寧御史為僕言自  
其先公時與諸老名勝賦詩者蓋數百篇今玉堂  
無本而御史家具之且曰峯所托差低盍稍崇

其址乃八月五日既克如命因賦此以報且請  
示舊詩補故事以傳云

視草堂前石一拳何人移置自何年久憐翠色連重地故拔  
孤根近九天俯仰百年承雨露等閑千尺接雲煙故家御史  
遺書在為錄鼇峰舊賦篇

進講後侍宴大明殿和伯庸贊善韻

丞相承恩自九天講臣春殿秩初筵養賢敢謂占頤象陳戒  
猶思誦抑篇既奏文韶美善美豈無后稷暨艱難願推餘澤  
均黎庶樂只邦基億萬年

劔履歸來帶玉瑤元臣促召不崇朝盍簪誠與朋求助納約  
須從牖向招御柳新條臨書殿仙桃曉色上春潮校書寂寞  
楊雄老亦賦凌雲麗九霄

十一月二十夜思仲常弟

江梅應發去年叢叔也俄爲畢竟空來後去先康節苦離多  
會少子瞻窮近書時閱猶疑在舊學重思孰與同萬里相從  
憐季子白頭清淚夜燈中

還京聞訃在秋餘老淚無多眼易枯丹旆到無頻入夢佳城  
得否未收書食貧未已憐孤幼述德無聞愧老夫忍讀近緘  
成永訣爲敦衰薄趣歸與

次韻道士竇神清賦舜粟

帝德無爲保太和歷山遺種有嘉禾想經稷教躬耕法正及  
堯時擊壤歌旆二九秋新雨露離二千古舊山河曲肱飲水  
幾忘肉最憶宣尼感歎多

太一道士張彥輔族本國人從玄德真人學道妙  
齡逸趣特精繪事爲其友天台徐中孚用商集賢  
家法作江南秋思圖東觀大隱蜀虞翁生爲賦其

詩

三年別却釣魚磯畫看新圖夜夢歸石壁蒼松含爽氣江沙  
翠竹弄晴暉西瞻雪嶺家何在東入天台路轉微賀監若蒙  
湖曲賜遍翔千仞振塵衣

贈竇神清歸隱茅山

翩二歸鶴自遼東又向茅山擬住冬啄食定依何處竹結巢  
應得古時松雪滿空山騎一虎月明秋水佩雙龍別來彷彿  
三千歲亦欲還栖第一峰

題南野亭

門外煙塵接帝局坐中春色自幽亭雲橫北極知天近日轉  
東華覺地靈前澗魚遊留客釣上林鷺轉把杯聽莫嗟章曲  
花無賴留擅終南雨後青

送貢仲章學士奉祠嶽瀆

三十過從今六旬故人唯我兩吟身空華作賦相為壽寧復  
升堂互拜親送別轉令嗟影獨思歸從此上心頻南湖春滿  
鷗波綠定艤乘槎往問津

次韻吳成季宗師赤城阻雨

人間伏日當蚤休道上馬車如水流神仙不愁風雨夕父老  
已知禾黍秋誰憐司馬久多病惟有杜康能解憂北溟之鷗  
六月息載我八極歌遠遊

次韻伯庸尚書春暮遊七祖真人庵兼簡吳宗師

賞心不作三春過高興都為百事牽願解蘭舟溪水汎思携  
藜杖野雲穿真人館在無塵界太尉詩如絕行仙花下共遊  
仍獨往不辭泥醉晚朝天

石渠承雨作流泉中有參差荇菜牽花近飛觴魚駭逝柳低  
步障燕隨穿紅塵朝路常參吏清晝齋居幾劫仙但乞會稽

尋賀監酒船一棹水中天

花時宮館多賓客春酒盈缸餽在牽據石發歌風為起臨流  
揮翰硯將穿紫髯一去惟憑夢白髮頻搔豈解仙賴有看雲  
高閣在江東烟樹共晴天

一住京華二十年春花秋月謾相牽高情總付珠簾卷危坐  
空餘木榻穿水曲停驂新楔事墻陰題字昔遊仙動成陳迹  
多惆悵安得長生老後天

送宋誠甫太監祀天妃

使者受節大明殿候神海上非求仙廟前水生客戾止帷中  
靈語風泠然麗牲有石載文字沈璧用縑求淵泉賈生何可  
久不見海若率職君子還

觸石墜馬卧病蒙 恩予告先至上京寄漑之學

士敬仲叅書

翠幄臨都尚駐郊言瞻龍漠度前茅雨餘草氣千原合日下  
雲章五色交給札脩辭持玉筆賜羹充腹出瓊庖白頭感遇  
知何補阿閣清嚴栖鳳巢  
趨召顛隳歎目昏旋聞予告荷深恩藥頒西域千金劑酒賜  
初筵九醞尊默憶舊書忘晝永行吟冷署覺春溫摩挲素壁  
光於雪思得參書寫樹根

閒閒宗師和前韻期望過當復用韻以謝

草堂長憶蜀西郊屢卜歸休自折茅司馬檄傳驚父老少陵  
詩苦入神交山多美竹深宜屋江有嘉魚遠致庖乞得閑身  
當及早堯時元自有由巢  
書卷連床度曉昏懷歸猶復戀君恩養生賴得南華論好客  
時傾北海尊山木向秋俱老大海霞迎日共清溫蓬萊正與  
鰲峰接幾見浮雲起石根

雲州道中數聞異香

雲中樓觀翠岩峩載道飛香遠見招非有芝蘭從地出略無  
烟霧只風飄玉皇紫案側當霄立王母池邊向日朝却袖餘薰  
散人世九天清露海塵飄

次韻楊友直北行道中

蕭々戎馬昔升虛壯士吹笳慄不舒關外羽書二月急道傍  
茅舍百年餘沙田雨足仍生黍河水冰消不禁漁洛下賈生  
猶獻策車明立在玉階除

王儀伯參政見和郊字韻詩復用韻叙謝

龍游宮沼鳳游郊通水明堂不剪茅絛絕草儀三日具大亨  
饗帝五雲交執輿已信神為馬和鼎寧容祝代庖八月涼風  
張樂地頌聲洋溢播雲巢

聖遠言湮感墊昏河汾千載最知恩垂紳論道稱前古束髮

明經奉太尊車騎身從游汗漫庭闈心在視寒溫朝回未覺  
歸途晚斗柄西移揭角根

十月十六日奎章奏對回至李漑之學士宅宣

旨行香孔林按上得佳紙因賦此詩并得其鎮紙

玉蟾

聖恩深念魯東家林木蕭條散暮鴉丹詔先令脩古廟彤庭  
即日遣皇華閣中學士馳山驛天上文星宿海霞偶為傳宣  
到書閣就床奪得玉蝦蟇

次韻馬伯庸尚書

邃閣晨趨禁掖西莫街騎馬及鷄栖退朝每想花邊散得句  
應從竹上題賜被南宮無宿火齋居方丈有蒸藜鳳池何似  
承明近又候文星共聚奎

送甘太史祀名山大川

太史名山閱秘經承恩衣繡許趨庭江頭飛蓋逢春雨林下  
幽人識使星宣室夜深連燭絳石渠風煖竹書青清朝盛典  
須成蹟最想遄歸駟馬駟

就甘太史并寄天台武夷太無二君

武夷山裏芝二秀華頂峰前杰一炊湖老每懷鴻去遠山人  
毋謂鳳來遲浮閣紫氣緣書住照夜青藜賴客知賀監清狂  
天所放故令華髮侍安期

子昂墨竹

高崖數竹凌風雨老可當年每畫之脩影自憐流水遠虛心  
如待出雲時縱橫鴻爪留沙磧宛轉鷺群向墨池百世湖州  
仍見此故知王子善參差

二十五日即事呈閣老諸學士

松陰鵠立候宮車風送飛花著白鬚水影漸移簾側畔鶯聲

祇在殿東隅近床擬進名臣探載筆親題列女圖太液雨餘  
波浪動龍舟初試散魚鳧

賦胡氏皆山

萬山起伏如波浪外司中寬故可居日出擁金千仞雲雲生  
納翠八牕虛亭中留客多為酒谷裏成樓更貯書朝往莫歸  
勞杖履醉翁應不憶環滁

賦礪山成簡卿心遠亭

作亭臨河河水渾草樹繞屋啼鳥聞夢回枕上彭城雨日送  
檐間芒碭雲歸來黃菊有佳色坐老青山無垢氛但願尊中  
長得酒曲阿莫問舊

送全州錄事

清湘郡城公事少錄事官盡日閒且可隨雲度流水更宜  
把酒看青山僧前虎跡石苔紫雨裏鳥聲江竹斑應會吟詩

一百首寄與幼年春鴈還

與眾仲助教讀王臨川遺事慨然興懷良上人為  
將山善公來送行因為賦此

霜筠雪竹鍾山寺最憶臨川舊所遊病骨荒坡秋澹白頭  
遺恨思悠々燕歸雲海迷華屋鷺起星河近綵舟欲托善公  
重到日松間石上試相求

玉堂讀卷

玉堂策士詔儒臣御筆親題墨色新省樹坐移簾底日宮壺  
馳賜殿頭春虞廷制作夔龍盛漢代文章董賈醇書閣莫年  
偏感遇但歌天保答皇仁

謝吳宗師送牡丹并簡伯庸尚書

輕風紫陌少塵沙忽見金盤送好花雲氣自隨仙掌動天香  
不許世人夸青春有態當惚近白髮多情挿帽斜最愛尚書

才思別解吟胡蝶出東家

和范德機從楊搗進士見寄

清江先生最好奇十年不出髮如絲田舍每詢歸後計玉堂  
今見寄來詩風前雨過林花動日下雲行省樹移還覓舊遊  
春欲莫楊搗為我道深期

送進士劉聞文廷赴臨江錄事

清江百尺石為城太華千峰積雨晴官府幾時書帙靜漁舟  
盡日釣絲輕故家好訪春秋學上國多傳月旦評頗有老懷  
煩錄事到州為問范先生

大廷策士問經世之道僕忝在讀卷之列觀諸進士所對有感賦此錄以贈別錙性粹中支渭興文舉二賢良

昔人有欲問先天林下相期二十年已向塵埃成白髮尚從

燈火事青編獲麟遂春秋後鳴鳥猶聞禮樂前春雨未來農  
事晚獨懷歸計在山田

羅朋友道擢高科拜官還崇仁賦此為別

重溪疊嶂竹交加曾著芒屨踏白沙名勝多年嗟寂寞文章  
此日羨才華青雲步武繞重見白屋詩書尚幾家鄉邑相逢  
煩告語好敦忠信作生涯

白沙友道居近之昔崇仁有同父尚書李公父舍人墳墓故宅在焉國朝六科崇仁幸進士第者惟家弟友道才二人故云重見所以深期望於來者云

贈趙生

天門一日觀黃榜茅屋三年掩素扉湘帙蠹魚春雨潤練囊  
螢火夜光微夢游朔雪留鴻跡思入南山望鶴飛會倚官牆  
看射策上林初日炫朝衣

贈昇龍觀主

榻前親製先生號賜與江南謝舜咨大華雲開天使下少微

星動史官知龍飛滄海留珠樹虎卧丹房守玉芝聖主無爲  
千萬壽更應築館候安期

訪李真人不遇

退朝花底佩珊瑚去訪真人曉出關芳草欲迷行徑古長松  
深護步廊閉蒼龍挾雨得瑤簡白鹿穿雲致玉環如到天壇  
看月影定知清露滿人間

賦壺洲

傳聞海上有玄洲曾是安期舊所遊千頃白雲都種玉一杯  
弱水不勝舟魚龍夜護黃金鼎鸞鶴晨朝紫綺裘波浪不驚  
星斗近步虛聲裏度清秋

完哲篤下第歸蜀

西郊長憶草堂吟塵外幽居更可尋奏賦上林春事晚携書  
舊隱歲華深濯錦江波紅灑灑浣花潭水碧沉沉白頭未覺

歸歎莫待子重來獻好音

吳宗師夢予得山居奇勝特甚愛覺歷歷分明忻然相告賦此

夜來夢我山居好笑我平生豈有之野服許辭金殿直俸錢  
足辦草堂賢安知蓬島非堯率不是匡廬定武夷還有勝緣  
同晚歲至人無睡已多時

會李簡伯司業分俎

憶昔同堂肄樂歌朝陽煦人午風和炮羔升俎堆紅玉醕酒  
盈尊汎綠波坐席已成三載別交情猶似嚮時多尋常飽德  
寧私我願賦緇衣上禁坡

次韻朱本初訪李漑之學士不遇

城南城北煖塵飛伐木相求苦未歸吟到碧桃還細雨行尋  
芳草又斜暉綺牕絲筆題詩徧斗帳沉香入袖微共載小車

勝上馬重遊莫待曉紅稀

寄趙子敬平章

聞道乘閒入翠微猶愁嵐氣濕人衣道傍野樹飛花盡溪上  
春雲作雨歸故舊釣絲輕在手仙人棋局靜忘機赤松曾許  
同千載擬向高秋傍鶴飛

仁壽寺僧報更生佛祠前生瑞竹有懷故園

聞道故園生瑞竹試從來使問何如蒼良獨出千叢裏翠節  
駢生數尺餘比管可吹丹穴鳳長竿莫釣錦溪魚折筵已向  
靈氛卜亦說能歸似兩疏

聞道故園生瑞竹今人歸興滿江干扁舟不與羅塘險匹馬  
誰云蜀道難杜甫溪頭花匠匠孔明廟裏柏闌珊新堂題作  
歸歟字定得臨江把釣竿

聞道故園生瑞竹山僧爲我重栽培百年雨露餘生息一日

風雲幾往廻壠上枯桑鳥萃止城東華表鶴歸來聖恩若許  
歸田里千石清尊爲爾開

聞道故園生瑞竹吾家孫子好歸看佛祠竟日春陰覆先隴  
多年莫雨寒門戶淒涼嗟老病鄉閩迢遞報平穴重來慎勿  
勞余夢駟馬橋邊據馬鞍

題張太玄爲陳升海畫廬山圖

誰向匡廬成舊隱畫中一似夢中看千株松樹衆天起一箇  
茅亭傍水安清風空谷傳吟嘯白日高岑生羽翰寄語山中  
陸脩靜葛巾不畏過溪寒

別國史院鼇峰石

秋雨莓苔數尺身文章曾見百年人吁嗟一代興王盛付托  
諸公製作新垌野有詩皆在魯泰山無刻更先秦鳳麟一去  
無消息空使駑駘愧後塵

執戟揚郎久不遷頻年從幸到甘泉賜歸特許先三日作賦  
時令奏一篇翠勺娛人花帶露貂裘倚馬草橫煙殷勤為謝  
堂前石何處來秋共月圓

神鳳琴

鳴鳥人間久不聞遺絃欲托斷琴絃曾看土鼓歌朝日亦共  
陶尊醉夜分五色雲中迎太一九疑山下望湘君采詩應被  
唐風譜早晚樓舡或祀汾

繼陶居士傳

不水滔々蜀嶺高飛蓬千里棘心勞道間化虎作人語城上  
慈烏向子啼玉樹斷歌殘王氣朱門往專付鴻毛將軍莫歎  
今為庶居士當年已繼陶

謝書巢送宣和瀘石硯

巢翁新得瀘州硯拂拭塵埃送老樵毀磔覆元知故物沉沙

俄出認前朝豪翻夜雨天垂藻墨沈春水地應潮恣召相如  
令草檄為懷諸葛渡軍遙

送蘇伯脩御史

新除御史南臺去頓齋文星闕下稀病起可堪江霧濕信還  
莫待死花飛千年鳳鳥來阿閣萬里鱸魚出釣磯總道揚雄  
文最古君知頭白久思歸

次韻柯玉文寄別

避弋驚鴻過遠汀啄苔病鶴想華亭臨邛狂騎情都盡於越  
扁舟影颯賓客莫詢溫室樹君王猶問楚江萍重來賈傳非  
年少前席從容對夕廷

謝書巢惠梅花

巢翁遠送梅花樹正在東風四日前紅萼無言餘舊雪白頭  
相見又新年喜從嘉樹來江雨憶共香杭上海舡春夜不眠

賓客醉只留孤鶴伴清妍

再用韻簡葉翁

豈無尊酒梅花側聞道長齋繡佛前方閣護雲宜煖日小車  
衝雪稱高年願辭閣下金蓮炬但乞湖中畫畫船約取葉翁  
携鶴去髮毛同白不爭妍

送玉泉長老栗木果

非青非黃栗木果使者西川馬上來楚國共疑金橘味衛人  
祇道木瓜栽頻婆妙色情懷別橄欖餘甘齒頰迴歸到玉泉  
應說法試令閑老聽轟雷

送王君實御史

頓覓文星闕下稀旁人猶道此言非東風十日京城雪西道  
三春客子衣鷲滿朝川君定到鵲啼劍閣我思歸千花並繞  
圖書府相待承恩入紫微

寄句曲外史張伯雨

獨抱長纒管白雲琴心誰錄內篇文清齋三日秋仍瘦徧禮  
羣真夜每分石記恐妨塵外事仙經聊許世人聞已從司馬  
求真錄更為通章九老君

寄禽馬昂夫總管

白髮先朝舊從官幾年南郡尚盤桓九華山裏詩題徧采石  
江頭酒量寬鴈到京城還日莫馬懷餘棧又春殘何時得共  
鳴臯鶴八月匡廬散羽翰

觀大洞經書與董道士

江東昔有大茅君大藥親令二弟分紺綠俄消頭上雲玄黃  
初合洞中雲雷鳴春谷龍二變月滿秋空鶴一群一落人間  
成老大何年名字刻瓊文

送劉宗師歸茅山

長松落落千峯雪，碧漢寥寥一鶴風。十月暫離白曲洞，早春還謁大明宮。君王舊識蒼龍劍，圖畫新傳白髮翁。欲把紫芝歌隱德，三茅應聽月明中。

與薩都刺進士

當年薦士多材俊，忽見新詩實失驚。今日玉堂須倚馬，幾時上苑共聽鶯。賈生誰謂年猶少，庾信空慚老更成。唯有臺中馬侍御，金盤承露最多情。

送歐陽元功謁告還瀾陽

憶昔先君早識賢，手封製作動成編。交游有道真三益，翰墨同朝又十年。心似古人幾獨敏，用周當世德仍全。雍祠已有蒼崖石，欲托高文與代傳。

曉奉新書進御床，解纓隨見濯滄浪。歸鴻不計沈雲閣，倦驥空懷野水長。竹簟暑風魂夢遠，茶烟清晝髮毛蒼。監輿千里

宜春道，投老相求訪石霜。

送王師魯編修祠南鎮

山陰巖壑多塵迹，王事能來况莫春。太史好探神禹穴，老夫先是會稽人。海東日出懸蘭近，湖上風生白苧新。若得拖攬同晚飯，便從賀監卜為隣。

次韻楊友直

真館能容客，避罟深簾飛絮書。夏多數枝芍藥，誰相贈一束。生芻故可招，坐定驚雷經席上。酒闌纖月在林標，何由長共陶弘景。聽取松風作鳳韶。

題東平王與盛熙明手卷

宋宣和手勅一通，卷首題識四字我朝。

英宗皇帝御書也。帝嘗以至治三年正月十五日幸五華山，臣有以此書獻者，丞相拜住侍側就題以賜之。

既歸第曲先成慶明寫金字佛書一帙贊丞相丞相因  
以此卷貶之且語以其故至順二年三月八日與明屬  
歐陽玄記其事於左方

聖代御題前代勅小臣叨備史臣書事業久爲人士首文章  
猶作世璠與海淪碣石圖空在墓梁祁連計已踈誰識全燕  
天所斬萬年形勝帝王居

和馬侍御西山口占

召堯官殿水西頭春日時聞翠輦遊霧引旌幢連閣道風傳  
鐘鼓出城樓群臣頌德金爲刻萬歲稱觴玉作流避暑醴泉  
涼氣早旋京應喜大田秋

到先隴爲墓人書

未忍他鄉作故鄉故因使騎入陵陽鄉人共訝聲音似客路  
疑將髮髮蒼親老長懷鄉里意孫多宜置墓田旁冷生自可

依諸葛數頃膏腴八百桑

八月十五日傷感

宮車曉送出神州點々霜華入弊裘無復文章通紫禁空餘  
涕淚洒清秋苑中首宿烟光合塞外葡萄露氣最憶御前催  
草詔承恩回首幾星周

題煖翠亭

老去唯思卧白雲一亭萬竹喜初聞波回曉日鷺鷥並沙散  
晴烟翡翠分把釣左泉歸衛女乘舟北渚望湘君誰能獨采  
薇盈袖却道高寒思不群

送許有孚赴湖廣提舉

奉詔掄文秘殿西才華知合藉金闈思親浩蕩江波遠亦闕  
遲回苑樹低望鶴樓前移絲鷓吟詩花底聽黃鸝歸來尚覺  
春風早鴈字充庭玉筍齊

賦石竹

積雪初消萼綠華東風吹動絳綃霞龍嘯石氣千年潤鶴過  
林陰一徑斜刻字欲尋金錯落析旌如織翠交加綺牕坐對  
吹笙暖未覺人間歲月賒

集為朶兒只慎齋平章題紫微亭用王右丞語也  
并賦詩一首奉寄

右丞昔向終南住獨對南山賦紫微春雨乍收原上牧晚晴  
仍見谷中歸好留杜牧為賓客更覓園公共蕨薇聞道新亭  
多雅興想持尊酒看清暉

賦碧筠堂

鶻之江東雨後雲碧筠堂上注芳草眉山老去無賓客番水  
春生有子孫團扇晚涼留翠黛疎林纖月對黃昏問誰吹得  
參差玉為斲蒼苔向石根

奉同吳宗師賦祭七祖新齋

城南烟樹聽鶯啼石上莓苔覓舊題自有琴心傳內景更將  
書帙事幽棲晚來相鶴風生竹雨過籠鵝水滿溪蜀客草玄  
成底事蕭條白髮愧青藜

次韻吳宗師

硯池滿貯薔薇水嬰腹輕磨翡翠釵仙苑烟雲隨地煖道山  
風日向春佳集筴夜鳴金屋飛鳥時步玉階抵恐江頭  
花事晚謾勞車馬賦茅齋

寄來鶴亭主人

德清舊館何時到雨後春泉定滿池綠字久無弘景信紫苔  
應長少霞碑數峰烟樹天垂野千頃鷗波雨散絲海內交遊  
多老去為誰溪上放船遲

送王中夫赴安慶教授

太行積雪都消盡船到舒州水正高江樹連城分野色門生  
加豆薦溪毛草原自去書山石問字誰能載醴醪為覓種椒  
張處士早收丹實待歸舸

予延祐己未秋南歸安慶城東有張教授與予  
同舟從者得椒實數升至江右種皆成予復來  
京師又十數年山中椒已無存者可為求種秋  
過江上行取之尔

送張兵部廵視運河

畫橋冰判動龍舟鳴綠粼出御溝使者旌旗穿柳過人家  
鳧鴈傍溪浮桃花吹雨春牽鏡江水平堤夜唱鶯應有餘波  
方浩蕩不令歸楫恨淹留

謝吳宗師惠墨

念我衰年不廢書錦囊古墨送幽居明牕塵影丹同熟玄圃

雲英玉不如敢為文章勝虎豹祗應箋註到蟲魚研磨不盡  
人間老傳與兒孫尚有餘

再和

慣見天眞按筆書七言宛麗出閒居誰云太璞無存者或在  
丹房已又如寫韻臺虛人跨虎換鷺池暖水生魚玄霜比似  
金丹秘祗得力圭便有餘  
家傳戈法負遺書得墨深將藻繪居華采每慚誇既往平安  
聊遣問何如畫殘翠黛愁蛾綠寫得黃庭辟蠹魚鬚髮如霜  
還可染硯池不敢棄君餘

三用韻會集翁就以奎章賜墨賜之

隣父長思長史書不辭頻謁惱巢居臨池三月玄霜盡對月  
千篇白雪如賦敵洛波翔翠羽歌成湘浦騰文魚故分瀟石  
松烟色猶是奎章舊賜餘

四用韻寄吳宗師奉祠城東岱祀其一謝夏真人  
送海棠一枝

休奉東封遠獻書神宮咫尺九重居香飄秘殿人顯若靈降  
方壇樂翕翕如水上後除祠候燕雨中歸牧夢占魚此時最憶  
風雲地濯濯清沂諫歎餘

定計歸來已束書高齋虛寂似禪居好花送與春風共病目  
愁看宿霧如四月落林多野筍半陂流水足溪魚今春又過  
今秋早一飯跣趺不願餘

謝吳宗師送牡丹

人々看盡洛陽花誰似堯夫小小車高閣每煩君實望西街  
還過伯淳家東風寒食吹烟散燕子空梁暮景斜最憶青城  
坪上樹樵人祇向檐頭誇

題著色山圖

江樹重々江水深楚王宮殿在山陰白雲窈窕生春浦翠黛  
嬋娟對晚岑宋玉少時多諷詠江淹老去倦登臨扁舟却上  
巴陵去閑聽孤猿月下吟

題熊太古畫

亭上長松三百丈何人可以此經過窮冬藜杖出同谷清夏  
籃輿還曲阿栖鷗每來從島嶼老猿時復下藤蘿王維韋僕  
父不見病目摩挲愁奈何

送趙伯常自中臺出貳淮憲

淮南地沃偏宜麥况可扁舟弋鴈鳧此地正須能賦客中臺  
新剖使君符山城過雨驚春盡野老扶藜到日晡行部若臨  
江岸瀾烟波舟々有漁夫

送淨慈書記

寒梅的々西來意翠竹青青劫外春日出碧鷄山作露臺空

彩鳳地無塵八年寫遍湖光好萬里歸來月色新我在錦宮  
城裏住白雲滿屋便為隣

送趙秉彝因王君實末章以起句

朝裏儒冠盡白頭斯言二復使人愁芳叢獨見芝蘭樹  
不矜綈紳秋藏書靈谷訪遺老把釣清江懷故侯大中梁棟  
小椽楠匠氏尋引還相求

題畫

緝熙殿裏御屏風零落誰收百歲中錦樹總含春雨露畫橋  
猶是舊青紅花開陌上懷歸燕潮落江頭送去鴻何以綠波  
生太液絳桃風急綠船東

城東觀杏花

明日城東看杏花丁寧兒子蚤將車路從丹鳳樓前過酒向  
金魚館裏賒綠水滿溝生杜若煖雲將雨少塵沙絕勝羊

襄陽道歸騎西風擁鼓笳

題張希孟中丞送畢提點申達卷後

十年七聘不還朝起為仇氏夜駕輶嘉樹百年誰忍伐生芻  
一束不能招西州華屋交游少北海清尊意氣消欲寫濟南  
召士傳泉聲山影晚蕭蕭

寄海南故將軍

海上風來五月秋晚涼應上木蘭舟金盤丹荔生南國玉腕  
清冰出北州狂客醉時花作陣美人歌罷月如鉤期門舊識  
將軍面從獵還披翠羽裘

次韻宋誠甫學士城南訪病莫歸

騎馬城南覓舊題飄蕭薄帽碧雲低東風花柳過章曲落日  
兒童唱大堤繡閣豈無和玉髓錦囊還有鑄金蹄歸來吟轉  
樓頭月池冷夫容翡翠栖

寄京南三老人

春城連海樹扶疎中有幽人八十餘  
便信流傳江左賦伏生  
零落濟南書鄰翁社舞尊多酒  
弟子晨炊饌有魚前代衣冠  
今絕少故懷三老載安車

次韻高象仲助教相壽之句

老牛無力服柴車道遠鞭驅未到家  
碩果當留霜後樹寒梅  
深辨雪中花青城萬里懷空谷  
滄海千年望太霞願有良朋  
相慰籍釣竿隨分倚江沙

題康里子山尚書疑春小隱六韻

羣玉府中香滿袖凝春亭裏看花開  
絲雲近席微風動紅日  
當物好客來西海珊瑚階下長  
東家胡蝶雪中回竹深每聽  
尚書履池煖時分太液盃鳳唳浮烟金  
錯落鵝群隨水白  
毳人間應得函封帖青李來禽繞舍栽

次韻杜德常博士萬歲山

秘閣沉沉便殿西頻年立此聽春鸝  
風搖翠岸新生柳雨泥  
銅池舊產芝玉几由來常咫尺  
衡門此日遂栖遲申生欲去  
柴車在杜甫長吟雪鬢垂墨沼遊魚  
翻宿藻書檐飛燕背晴  
絲山中竹簟涼如水應夢釣天九奏時

次韻宋顛甫

御溝雪融三月初見鷺鴻鴈總來居  
蒲萄水綠可為酒楊柳  
條青堪貫魚迤邐天河起箕尾  
滉漾雲海浮青徐舟前花落  
傍飛燕隄上風來濕舞裾翠輦時留  
金駮馬錦波不著玉夫  
渠臨流宋玉偏能賦莫待東都客問予

絕句五言

燕陳公字宅贈燕學士

落日照大隄花間聞馬嘶城頭鼓角起  
相送五門西

宣和墨竹寒雀

酒墨寫琅玕深宮春晝閒蕭條數枝雪不似紇千山

上馬

眼昏身手鈍上馬怕風沙祇好扶藜杖循離者落花

題旦念司所藏慧甄腐瓜行蟻圖

瓜腐來蟻蟻培生致鳳凰荒園空宿雨阿閣自春陽

雙鷺圖

戢翼石梁陰秋風日夜深使君莫行野江水蕩人心

畫扇雀竹

啄粟野田莫飛鳴亦求雌誰家江上雨發船歌竹枝

畫扇柳蟬

不食遂終日長吟如老翁金盤九利雲手樹一絲風

畫雙蝶

舞罷庭花落池邊看睡鳧無端雙蛺蝶飛上繡羅襦

商德符畫松

松根生茯苓松葉纏兔絲服之可長生歸哉南山陞

河梁泣別圖

落葉滿長安秋風漢節還裁詩寄歸鴈二月到天山

題蒙古松壑書

長風壑中來吹雨洒高竹憶昔曾見之終南跨黃犢

捕魚圖

網罟日相從天寒澤國空釣竿長倚樹老却渭川翁

子昂畫

拂石叢竹間采蘭幽林下游子忘歸何以遺遠者

右

松上一枝雪竹間千本蘭江濤嗟遠道風雨憶春寒

雜寫

韓子登華封縣令捐其階囂呼始得下亦不傷雅懷

右

粵人善操舟先去令人愁今年水未落不見專艫秋

右

狂罵人不怒徒然傷天和問君身丘月當勝白蘋波

右

雲間陸士龍寧知千金贖文章倘有取論薦何愧辭

右

長鬚一握雪昏目九重不為成去計猿鶴皆怨紛

右

夕望姑蘇月晨瞻太湖波金章選闕下隨意覓漁蓑

右

貪祿戀君恩二年金馬門願於堯舜世頭白老人村

題柯敬仲雜畫

北苑今仍在南宮奈老何青山解浮動端為白雲多

右

雨過蒼苔石雲生堊岸泉幽懷春冉稚子秀娟

右

鐵石餘生色冰霜作曉妍春雷明日起何處尚龍眠

右

雨過黃陵廟蒼梧雲正愁何時倚虛幌對此滿林秋

右

江上秋漠漠風雨晚蕭蕭千載誰相識惟應待老樵

右

昔過資罽畧鈎衣石角斜儼尋龍作杖拾得上天槎

黃金千瑣甲 瑤玉六簾鈎 雨送鷓鴣夢 烟籠翡翠愁

右

娟娟生玉潤 楚楚作金聲 羽扇迎風定 羊車過月明

右

峽口春雲重 江南夜雨多 水深桃葉渡 風急竹枝歌

右

蒼涼初出日 黃落早知秋 不遇采芝客 寧知叢桂幽

右

明堂要梁棟 大匠取修直 鬱屈崖石間 秋風動蕭瑟

右

平陸蒼龍起 近山生遠烟 前村二萬頃 明日水平田

右

莓苔生石路 翠竹自交加 不惜青鞵濕 臨流踏白沙

右

昨夜采樵去 偶逢三尺枯 山人不到海 不識是珊瑚

右

瀟洒一枝新 惟堪掃淨塵 白雲在窓戶 留作老僧隣

題李漑之學士湖上諸亭

烟蘿境

玉女乘烟霧 松間采薜蘿 飛行了無跡 明月送空歌

金潭雲日

金沙灘上日 潭底見雲行 祇有琴高鯉 時或作群

漏舟

春水如天上 秋潭見月中 如何列禦寇 猶欲待冷風

紫霞滄洲

洞裏琴鳴澗洲前棹入雲巖尋雲谷叟同訪武夷君

秋水觀

湖深山影碧天淨月光空幸自無波浪蘋花護晚風

無倪舟

三周華不注水影浸青天不上銀河去空明擊棹還

紅雲島

日出湖邊曙雲生島上紅綵舟移曲岸白塵對微風

蕭閒堂

受業蕭閒老令人憶稼軒高堂何處是湖曲長蘭蓀

松關

黛色浮空表蒼髯積雪邊鷄鳴從此度掉臂向秋天

大千豪髮

善聽返無聲善視入無覩還將一縷雲散作萬山雨

觀心

炯二燈留室微々息若存仰探當月窟俯察識天根

題熊太古畫

路過秦時檜家留蜀道山長安都看徧回首入柴關

右

海內此亭古幽村春事多扁舟歸未得江水已生波

敬仲竹樹古石

雪樹寒逾勁霜筠晚更脩玄雲動蒼石令我憶湖州

六言

題柯博士九疑秋色圖

余獨游兮洞庭野雲徘徊兮天將雨望九疑兮不可見結幽  
篁兮聊延竚

題柯士畫

登孤丘而望遠見江上之楓林放余舟於澧浦何天高而水深

道園學古錄卷之三



